

Gou Dwg Boux Sawmaez Iq Ndeu

我是一个小书迷

Gou maj ndaej youh sang youh maengh, bouxwnq baez yawjraen gou, cungj laihaeuz gou dwg boux gyaenz yindung he. Gizsaed mbouj dwg, gou dwg boux sawmaez iq he. Cijaeu baez gangj daengz saw, gou couh miz cingsaenz.

Gwnz gyaqsaw gou baij rim gak cungj gak yiengh saw, miz 《Sam Guek Yenji》、《Ngoenzgeiq Meuzriu》、《Dingdingh Danghdangh》、《Boux-damq Mizmingz Gohnanz》daengj 300 lai bonj saw. Gij saw neix gou cungj yawj gvaq, miz mbangj gou lij yawj gvaq mbouj cij bienq he. Gou daegbied gyaenz gij saw sij gij goj lizsij caeuq gij goj damqcaz mwh sam guek seizgeiz haenx. Daxmeh gou bang gou

dingh saw 《Ciugaep Saenzdamq Iq》, Saw baez daengz, gou itdingh mbat ndeu yawj sat. Daxboh ciq hawj gou dauq saw 《Manva Sijgi》he, gou ngoenz ndeu yawj bonj ndeu, lij roxnyinh mbouj gvaqyinx. Gou bingz-seiz sij cozyez haemq vaiq, gij seizgan wnq cungj ca mbouj lai yungh daeuj doegsaw. Doegsaw gaenq baenz gij sibgvenq gou, danghnaeuz ngoenzlawz mbouj ndaej doegsaw, ndawsim gou couh hoengqvangvang, cungj dwg gamjdaengz noix di gijmaz.

Geiq ndaej miz baez ndeu, gou cawx ndaej bonj saw 《Gij Gyauez Gyaenz》ndeu. Ngamq ma daengz ranz, gou couh dawz saw cig haeuj aen rugsaw iq gou bae, gig mizyinx dwk

yawj roengzbae. Gvaq yaep he, daxmeh heuh gou gwn ngaiz, gou siengj cungj mbouj siengj couh han sing he, hoeng caekhaex cix doengh cungj mbouj doengh. Youh gvaq yaep ndeu, daxmeh youh heuh: “Baenzlawz lij caengz okdaeuj? Haeux cungj yaek liengz lo!” Gou daenq aenndang mbat he, gaem bonjsaw ok rugsaw daeuj, youh naengh youq gwnz sahfaez ndaw ding yawj saw. Daxmeh raen gou lij caengz gwn haeux, couh miz di hozndat lo. Gou ganjgip cuengq saw roengzdaeuj, gaem aen vanj gwngek dwk gwnz haeux, mbouj daengz haj faen cung, couh gwn liux lo. Gou baez gwn liux, youh bae yawj saw lo.

Doegsaw dwg cungj yiengjsouh



he, de hawj aensim gou daiq hwnj gvaengxrongh cei gyaunde, hawj gou miz saenqsim, miz mbei beij vunz hung. Baenzlawz yiengh, gou suenq dwg boux sawmaez iq he ba?

(seiq nienzgaep Yinh Yisiengz)



Daegnuengx Dwgyaez

可爱的小弟弟

Gou miz daegnuengx he, cohnoix heuh “Duhduh”. De bizbwdbwd, lumj aen nohyienz he, dwgyaez raixcaix.

Miz baez ndeu, gou rag Duhduh bae swiq ndang. De youh daej youh hemq, mbouj haengj swiq, yungh rengz cak ok gaiqfwngz gou. Gou mbouj siujsim baez soeng fwngz, de couh buetdeuz lo. Gou feiq haujlai rengz cij gaeb ndaej dawz de, hoeng de cix daejnga-nga lo. Yawjraen daegnuengx daej le, gou couh mbouj rox baenzlawz guh. Sawqmwh, uk gou baez cienq, siengj ok aen banhfap ndei ndeu. Gou doiq Duhduh naeuz: “Raeuz mbouj swiq ndang lo, dahcej veh fuk veh he hawj mwngz yawj, ndei mbouj ndei ha?” “Ndei ha!” De sikhaek mbouj daej lo, aennaj de riu lo. Gou ndawsim gag angq, gij banhfap gou caen miz yungh. Gou veh duz meuzraiz uqatat he, cam daegnuengx: “Duzmeuz neix ndei yawj lwi?” De ngauzngauz gyauez, naeuz: “Mbouj ndei yawj, mbouj ndei yawj, daiq uq lo.” Gou ganjgip swngzgei naeuz: “Dangh-naeuz mwngz mbouj swiq ndang, couh caeuq duz meuz neix yienghhaenx uq lo.” “Gou mbouj bw, gou mbouj siengj bienqbaenz duzmeuz neix!” Daegnuengx gangj sat couh gvaigvai rag gou bae swiq ndang lo.

Neix couh dwg daegnuengx gou, de gig dwgyaez ba?

(sam nienzgaep Cangh Swhyenz)

Gaxgonq, miz ranz vunz he, miz gyagoeng、gyabuz、daeglw、lwgbawx sei q boux vunz. Ranz vunz neix doxgingq doxgyaez gvaq saedceij.

Miz baez ndeu, gyabuz baenzbingh lo, lwgbawx cawj vanj raemxdang caem cawj gaeqmeh he. Cawj ndei le, dingjlingz gyabuz ninzndaek lo, lwgbawx couh dawz vanjdang cuengq youq gwnz daiz le bae gueng gaeq lo. Mwhhaenx, duz mahenj hung haeuj ranz daeuj, dawz vanj raemxdang gwn bae lo.

Lwgbawx gueng gaeq le haeuj ranz baez yawj, gip ndaej daej naeuz: “Cungj gvaq gou, gou mbouj daezfuengz duz mahenj haeuj ranz……”

Gyabuz hix ndiu lo, nai lwgbawx naeuz: “Gienh saeh neix cungj gvaq daxmeh.

Vanj Raemxdang Caem Cawj Gaeqmeh He

一碗人参母鸡汤

Bonjlaiz wnggai ndiu lo, hoeng gou bienbien youh ninzndaek lo.”

Gyagoeng hix byaij gvaq-daeuj naeuz: “Neix dwg gvaq gou. Gou mingzmingz yawjraen lwgbawx bae gueng gaeq, cix mbouj bang de, danghnaeuz bang de le de haeuj ranz heuh mwngz gwn dang……”

Seizhaenx, daeglw byaij haeujdaeuj, nai bohme naeuz: “Boh, meh, sou gaej gangj lo, neix dwg gvaq gou. Gou bonjlaiz gyanghaet hwnqdaeuj, couh wnggai daiq duzma okbae dwknyaen, hoeng ranznden miz vunz dwkgeiz, gou bienbien

buet bae yawj lo.”

Saehcingz yienznaeuz fat-seng lo, hoeng daengx ranz vunz ceng dwk dawz gij loek lamx hwnj ndang shwgeij, sawj ciengz ngaekngeu he couh yienghneix siucawz lo.

Youq ndaw gwndaenjaeuz, vunz caeuq vunz mienx mbouj ndaej miz doxdaemj. Danghnaeuz doxdaemj le, song miengj lumj ranz vunz neix doxnyienh, cawjdoengh bae rapdawz cwzyin, lij miz gijmaz ngaekngeu caeuq doxdaemj mbouj ndaej gaijgez ne?

(Cwng Hingzgenh)

Daxboh Maetmi

一毛不拔的爸爸

Daxboh mboengqneix aiq dwg yungh uk daiq lai lo, gwnz gyauez maj ok haujlai byoemhau, sawj de gig nyap-nyuk.

Ngoenzsinghiz, gou caeuq daxboh daxyaeng, gou bang daxboh ciemz byoemhau, ciemz diuz byoemhau ndeu ndaej gak cienz he, doxboh doengzeiq lo. Ciep ndaej bit seng' ei q mbouj yungh bonj neix, gou angq raixcaix. Yienghneix, gou ganj-gip bae ra fagnep ciemz bwnda daxmeh daeuj bang daxboh ciemz byoemhau. Ciemz le haujlai nanz, gou ciemz ndaej le cib geij diuz byoemhau. Cingq youq gou yaek laebdaeb ciemz roengzbae, daxboh sawq-mwh naeuz: “Gvaiz lo, ngoenz-

cog caiq ciemz ba.” Gou yienz-naeuz caengz gvaqyinx, hix cijndei dingz roengzdaeuj lo.

Ngoenz daihngaih, bae raen daxboh roengzban ma daengz ranz, gou couh sikhaek gvaqbae, iugouz laebdaeb ciemz byoemhau. Daxboh saenzmaed dwk naeuz: “Ndei ha! Haemh-neix mwngz danghnaeuz ciemz ndaej diuz byoemhau ndeu, gou couh hawj mwngz sam maenz ngaenz!” “Va, fatcaiz lo!” Gou dawz fagnep doq youq gwnz gyauez daxboh ra byoemhau. Hoeng gou biengj bae biengj dauq, dawz gij byoem daxboh biengj ndaej luenhnyaunau, cungj ra mbouj raen saek diuz byoemhau. Geizgvaq lo, gij byoemhau haemhlwenz lij miz



haenx bae gizlawz lone? Gou ndawsim ngeizngwd, doiq daxboh naeuz: “Boh, gij byoemhau mwngz bae gizlawz lone?” Dax-meh yawjyawj le, riu naeuz: “Boh mwngz nyumx byoem ndaem lo, dangyienz mbouj miz byoemhau lo.” Daxboh doek-laeng nyaenx mbouj ndaej ruihaha lo.

Gvaq mbouj ndaej daxboh gamj naeuz ciemz ndaej diuz byoemhau ndeu hawj sam maenz ngaenz. Hw, daxboh caen maetmi!

(sam nienzgaep Cangh Mingzyi)